

Dös Kindlasbrünnla.

Durt, wu die Brunngaß nunterbiegt,  
Bei Hahfluß im Eck drinna:  
Do war, vom Randstah wohl gafügt,  
Dös Brünnla mol zu finna.

Es kam dorthie es ganza Jaht  
So gut wie gar ka Sunna.  
Ka Wassar drüm su frisch halt war  
Wie dös vom Kindlasbrunna.

Vom Brünnla ham gatrunken garn  
Die älsten Leut! und Kindla,  
Toglöhner wie die grußzen Harrn,  
Gens Anten und ah Hündla.

Und jetzt beim Brünnla lieb und kla  
Sen Röhrla fort und Rinnla.  
Es sennzarfall'n die Mauerstah,  
In Trümmarn liegt dös Brünnla.

Die Brunnstum ist varsiegt und lär.  
Dös Türla steht weit offen.  
Dös Brünnla hot kei Kundschaft mähr.  
Die Gest ham sich valoffen.

Schursch

